

Bekalan elektrik di PSV, PPV stabil

Harian Metro 6/3/2021 m/s 10

Kuala Lumpur: Bekalan elektrik di semua 40 Pusat Simpanan Vaksin (PSV) dan lebih 400 Pusat Pemberian Vaksin (PPV) di seluruh Semenanjung berada dalam keadaan baik sejak pelaksanaan Program Imunisasi Covid-19 Kebangsaan (PICK) 24 Februari lalu.

Ketua Pegawai Rangkaian Pembahagian Tenaga Nasional Berhad (TNB) Wan Nazmy Wan Mahmood berkata, ia berikutan usaha senggaraan awal dilakukan TNB di PSV dan PPV dengan ker-

jasama Kementerian Kesihatan Malaysia (KKM), pihak hospital serta klinik kesihatan.

“Kami mendapat kerjasama dan sokongan yang begitu baik daripada KKM, hospital dan klinik kerajaan yang berkaitan.

“Di setiap pusat, kami menempatkan pasukan teknikal bagi membuat kerja senggaraan awal memastikan bekalan stabil dan jika berlaku gangguan, ia dapat dipulihkan dalam tempoh minimum,” katanya dalam satu kenyataan media, semalam.